

Novo političko poglavlje



Ponovno stavljanje fokusa na rad parlamenata i vlasti može otvoriti novo poglavlje u politici u BiH, kazao je danas u Sarajevu visoki predstavnik i posebni predstavnik EU Valentin Inzko.

Govoreći na konferenciji koju su organizirali Centar za transatlantske odnose i Američko-bosanska fondacija, visoki predstavnik i posebni predstavnik EU je rekao da je sada prioritet "formirati vladu koja se može fokusirati na okončanje ekonomске krize."

Inzko je kazao da akcent treba staviti na "zakonodavstvo o državnoj pomoći i popisu stanovništva kako Bosna i Hercegovina ne bi bila u potpunosti isključena iz paneuropske inicijative za prikupljanje statističkih podataka i raspodjele razvojnih sredstava". Dodao je i da je postizanje koncenzusa o ustavnim amandmanima "pitanje od najveće hitnosti."

Visoki predstavnik i posebni predstavnik EU je istaknuo da je OHR i dalje od suštinske važnosti kao krajnji autoritet za Dayton i kao neizostavni mehanizam koji sprječava da sporovi u potpunosti zaustave sustav vlasti. "Kada je sustav bio blokiran, OHR ga je deblokirao," kazao je Inzko.

Inzko je rekao da bosanskohercegovački građani "iz cijelog političkog i geografskog spektra" daju potporu programu 5+2 čiji cilj je promoviranje dobrog rada vlasti, investicija i otvaranja radnih mesta, zdravog ekonomskog menadžmenta i više sigurnosti za građane Bosne i Hercegovine.

“Građani u svakom dijelu zemlje žele više radnih mesta, manje korupcije, bolje javne usluge i veću osobnu sigurnost,” kazao je Inzko u završnom dijelu govora. “Oni žele jednaka prava kao i građani EU – a to uključuje jasnoću imovinskih prava kao ključnog načela uspješnog i slobodnog tržišta koje se širi, fiskalno poštenje i finansijsku odgovornost među državnim službenicima, te vladavinu prava kao jamstvo protiv korupcije i nesputanog vršenja moći.”

Tekst obraćanja visokog predstavnika/posebnog predstavnika EU dostupan je u cijelosti na internet stranicama www.ohr.int i www.eusrbih.eu